



25 - 03 - 2009

*[Signature]*



REPUBLIKA E KOSOVËS/REPUBLIKA KOSOVA/ REPUBLIC OF KOSOVO  
GJYKATA KOMUNALE NË FERIZAJ/ OPŠTINSKI SUD U UROŠEVCU/ MUNICIPAL  
COURT IN FERIZAJ

P. nr. 147/06.

NË EMËR TË POPULLIT

GJYKATA KOMUNALE NË FERIZAJ, si gjykatë e shkallës së parë penale, në përbërje nga gjyqtari Bashkim Hyseni, me procesëmbajtësen, Hajrie Arifi, sekretare juridike në këtë gjykatë, në çështjen penale kundër të pandehurit, [REDACTED] nga Ferizaj, për veprën penale lëndim i lehtë trupor nga neni 153 par.2. të KPK-së, sipas propozim akuzës së PPK-së në Ferizaj Pp nr.279/06. të dt. 29.03.2006, pas mbajtjes së shqyrtimit gjyqësor publik me dt. 28 janar 2009, në praninë e përfaqësuesit të akuzës - prokurorit publik, Rasim Maloku, të pandehurit, të njëjtën ditë mori dhe publikisht komunikoi këtë:

A K T G J Y K I M

I pandehuri [REDACTED] nga Ferizaj rr. [REDACTED] pn, i lindur me datë [REDACTED] në fsh. [REDACTED], nga i ati [REDACTED] dhe e ëma [REDACTED] e gjinisë [REDACTED] i pa martuar, i papunë, ka të kryer shkollën e mesme, shqiptar, shtetas i Republikës së Kosovës, i gjendjes së varfër ekonomike.

ËSHTË FAJTOR

SEPSE:

Me datë 26.02.2006 rreth orës 13.20 në fshatin Jezerc në lokacionin e quajtur "Rrasa e thatë" derisa i dëmtuari [REDACTED] ishte duke lëvizur me qerre me kuaj në drejtim të Ferizajt, ka takuar të pandehurin [REDACTED] dhe pasi edhe me parë kishin pasur problem në mes vete, së pari ishin fjalosur e më pas edhe janë fyer ku me atë rast i pandehuri me sopat e godet në pjesën e mbrapme të kokës, ku të dëmtuarit i kishte shkaktuar lëndim të lehtë trupor dhe atë plagë shtypëse shqyese të kokës në pjesën e pasme, plagë shtypëse e shpinës të cilët kanë shkaktuar dëmtim të përkohshëm të shëndetit dhe nuk kanë rrezikuar jetën e tij.

-me të cilën ka kryer veprën penale lëndim i lehtë trupor nga neni 153 par.2 të KPK-së.

Në bazë të dispozitës së sipërcituar si dhe dispozitat nga nen 3, 34, 41, 42, 43, 44, 64 të KPK-së si dhe nenit 391 të KPPK-së : i

## SHQIPTON

### DËNIM ME KUSHT

Vërtetohet dënimi burgimi në kohëzgjatje prej 5/pesë/ muaj, i cili dënimi nuk do të e kzekutohet, nëse i pandehuri në periudhën kohore prej 1/një/ viti nga dita e plotëfuqishmërisë së këtij aktgjykimi nuk kryen veprën tjetër penale.

I dëmtuari, [REDAKTUAR] nga fsh [REDAKTUAR], komuna e Ferizajt, për realizimin e kërkesës pasurore-juridike udhëzohet në kontest civil.

I pandehuri obligohet që në emër të shpenzimeve të procedurës penale të paguaj shumën prej 25,55 €, si dhe paushallin gjyqësor shumën prej 25 € në afat prej 15 ditëve nga dita e plotëfuqishmërisë së këtij aktgjykimi nën kërcënimin e përmbarimit.

### A r s y e t i m i

PPK në Ferizaj me propozim akuzën PP. nr. 279/06 dt. 29.03.06 e ka ngarkuar të pandehurin, [REDAKTUAR] nga Ferizaj për veprën penale lëndim i lehtë trupor nga neni 153 par.2 të KPK-së.

Gjykata mbajti shqyrtimin gjyqësor me dt. 28.01.2009 në të cilën përfaqësuesi i akuzës-prokurori publik [REDAKTUAR] mbeti në tërësi pranë akuzës dhe kualifikimit juridik të veprës penale duke i propozuar gjykatës që i pandehuri të shpallet fajtor dhe i shqiptohet dënimi i paraparë me ligj.

I dëmtuari, [REDAKTUAR] nuk ka qenë i pranishëm në shqyrtimin gjyqësor nga fletëkthesa e kësaj gjykate potencohet se gjendet në botën e jashtme.

I pandehuri, [REDAKTUAR] në shqyrtimin gjyqësor ka deklaruar: se e pranon fajsinë për veprën penale për të cilën e ngarkon akuzën, është penduar për veprën e kryer dhe ka premtuar gjykatës se në të ardhmen nuk do të përsërisë vepra të tilla, duke propozuar që ndaj tij të shqiptohet një dënimi sa më i butë.

Gjykata konstatoi se janë plotësuar kriteret nga neni 315 par.1 të KPPK-së, meqë i pandehuri ka kuptuar natyrën dhe pasojat e pranimin të fajsisë, një pranimi i tillë është



bërë vullnetarisht dhe mbështetet në faktet dhe provat e kësaj çështje penale, andaj shqyrtimi gjyqësor konformë nenit 359 par.5 të KPPK-së, ka vazhduar me fjalën përfundimtare të palëve.

Analizuar nga aspekti juridik në veprimet e të pandehurit formësohen të gjitha tiparet subjektive dhe objektive të veprës penale lëndimi i lehtë trupor nga neni 153 par. 2 të KPK-së.

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nen. 64 të KPK-së, si rrethana lehtësuese mori pranimin e fajsisë, gjendjen e varfër ekonomike dhe moshën relativisht të re, në mungesë të rrethanave veçanarisht të rënduese vlerësoi shkallën e përgjegjësisë penale dhe rrezikshmërinë konkrete të veprës penale, andaj në kuptim të gjitha këtyre rrethanave i caktoi dënim burgimi në kohëzgjatje prej 5/pesë/ muaj, i cili nuk do të ekzekutohet në periudhën kohore prej 1/një/ viti nga dita e plotëfuqishmerisë së këtij aktgjykimi, nëse i pandehuri nuk kryen veprë tjetër penale, duke qenë e bindur se një dënim i tillë është adekuat dhe proporcional në raport me peshën e veprës, shkallën e përgjegjësisë penale të pandehurit, njëkohësisht me të mund të arrihet qëllimi i përgjithshëm i dënimeve dhe qëllimi i dënimit me kusht edhe përmes shpalljes së dënimit dhe pa ekzekutimin e tij.

Konformë nenit 112 par.2 të KPPK-së i dëmtuari [REDAKTUAR] për realizimin e kërkesës pasuroro-juridike udhëzohet në kontest civil.

Konformë nenit 99 dhe 102 të KPPK-së obligohet i pandehuri që në emër të shpenzimeve të procedurës penale të paguaj shumës prej 25,55 €, si dhe paushallin gjyqësor shumë prej 25 €, në afat prej 15 ditëve nga dita e plotëfuqishmerisë së këtij aktgjykimi.

**GJYKATA KOMUNALE NË FERIZAJ,**  
**P.nr. 147/06. të dt. 28.janar.2009**

Sek juridike,  
Hajrije Arifi

Gjyqtari,  
Bashkim Hyseni



**KËSHILLA JURIDIKE:** kundër këtij aktgjykimi është e lejuar ankesa në afat prej 8 /tetë/ ditëve nga dita e pranimit të kopjes me shkrim të këtij aktgjykimi gjykatës së Qarkut në Prishtinë nëpërmjet kësaj gjykate.